

中國地方志集成

重慶府縣志輯 ③

乾隆巴縣志
(二)

同治巴縣志

巴蜀書社 · 鳳凰出版社 · 上海書店

第三冊目錄

乾隆巴縣志（二）	一
同治巴縣志	一二三

隆乾

巴縣志

(二)

清·王爾鑑 熊峰 纂修

嘉慶二十五年刻本 十七卷首一卷

巴縣志卷十一 藝文

邑令王爾鑑熊峰纂修

邑人周開豐梅厓校閱

藝文志

宸翰

勅

明

仁宗賜少師吏部尚書義勅

朕監國之時卿以先朝舊臣擢兼詹事日侍左右時

巴縣志 卷十一 勅

肇建兩京政務方殷隨事籌畫適中惟難卿以善嗣

君以義徇國勞心焦思不恤身家載歷艱虞未有咨

嗟之意及朕嗣承大統贊襄治理用濟斯民喻朕於

道不懈益恭二十餘年夷險一節朕篤不忘茲以已

意創製箋忠貞印一枚賜卿用藏於家傳之後世

爾子孫知前人顯榮於國者良不易致宜加保守朕

之子孫亦知卿弼予於艱體朕愛卿之心以保爾子

孫庶幾上下相安與國咸休書曰惟后非賢不乂惟

賢非后不食自古君臣相遇難矣哉往續維茂永終

是國故勅

詩

懷宗贈兵部尚書劉時俊誥

劉曰士有壯志匡時捐家殉國功垂成於破竹尤著師

貞謗已甚於中山幾從吏議自非稽冊府酬勲之典

何以勸人臣任事之忠厚漢官儀作周回命爾原任

太僕寺正卿劉時俊風期嘉落氣識沉雄蚤歲登壇

指顧動幾眉之色一官落拓馳驅存馬草之心固已

澤漸花封名高瑣掖者矣方全蜀巴渝之難救鮮纓

巴縣志 卷十一 詩

冠雖一時文武諸臣談猶失色而爾獨單車詣闕萬

里誓師保厥巖疆扼其吭背昔寧夏變作葉夢熊自

請行邊新建功成鄒守益實同義舉先臣可作於爾

豈殊何意中道而畢命沉冤彌恨謗言之甘心誣枉

於戲以爾叱咤變風雲之氣不獲發舒於時使全軀

保妻子之臣徒而堪孽其短此志士於今飲泣而朕

心所為愴然也茲特贈爾兵部尚書正治上卿資政

大夫予應襲賜養膳今永門二營聖首諒爾而牛

壁漸次廓清豈惟枕戈懸膽之功僅爾甲馬戎車

助取潛人以投豺虎業當清辯之朝化精魄而騎尾箕永作河山之鎮馨此綸綽被於歌鐘爾其有知沒且不朽

皇清

封重慶鎮總兵加榮祿大夫韓成誥

康熙四十二年

制曰聞外疏功特重丈人之任師中樹績爰標上將之名望起干城恩頒綸綽爾都督僉事管四川重慶鎮總兵官事加五級韓成謀猷克壯材藝兼優早執銳以披堅久司軍務乃建牙而仗節遂總戎麾裘帶從

巴縣志

卷十一 誥

三

容功信成於樽俎車徒整練勢儼竝於金湯爰黃龍綸俾膺嘉獎茲以覃恩特授爾階榮祿大夫錫之誥命於戲式頒殊寵用酬伐閱之勲祇服徽章益展輔鈐之畧尙勤後効無替前勞

贈廣西巡撫韓良輔誥

雍正十三年

制曰國爵優崇樹鷹揚之偉烈家聲光大表蛾術之良模特布新綸用彰舊德爾原任廣西巡撫韓良輔乃副將管貴州古州總兵官事韓勲之父清門代啟素履恭修教子義方早授豹韜之畧傳家忠孝果符鵠

印之祥慶典式逢崇階宜陟茲以覃恩賜贈爾爲資政大夫錫之誥命於戲顯揚克遂休茲天室徽章作建文輝展也人倫盛事令名無數世澤長垂

贈翰林院庶吉士李光夏誥

乾隆元年

制曰寵渥朝章錫類不遺於一命祥開家慶賜恩爰及夫重闢爾李光夏乃翰林院庶吉士李爲棟之祖父弓裘衍澤瓜瓞綿休作述相承再世式彰其祖武淵源有自一經早裕夫孫謀茲以覃恩賜贈爾爲翰林院庶吉士錫之勅命於戲舊德弘昭用廣顯揚之志

巴縣志

卷十一 誥

四

新綸特貴永增泉壤之光

贈翰林院庶吉士李初復誥

乾隆元年

制曰宣猷服采中朝抒翊最之忱錫類推恩休命示酬庸之典爾李初復乃翰林院庶吉士李爲棟之父令德踐登教方夙著詩書最後用彰式穀之風弓冶傳家克世忠之則茲以覃恩封爾爲文林郎翰林院庶吉士李爲棟之父會於戲篤生杞梓之材功歸庭訓不煥絲綸之色榮播天章

贈貴州提督加左都督韓勲誥

乾隆八年

制曰人臣奏開閭之勲謀猷克壯國家錫報功之典品
級加榮惟懋績樹乎師中斯寵命頒於身後爾都督
同知管貴州提督加贈右都督韓勲夙諳兵事久歷
軍行壯歲從戎卽著干城之望巖疆分鎮聿推保障
之才洎乎受律中朝煥矣建麾黔省兵民藉以綏輯
而斥埃無驚將士樂其拊循而簡稽有法念茲勞績
奄爾淪殂宜需殊恩俾加顯秩茲以特恩贈爾爲榮
祿大夫於戲抒誠報恩式膺三命之榮班爵酬庸用
慰九泉之志

巴縣志

卷十一 誌

五

贈江西沿山知縣王應春誥 乾隆十六年

制曰考績報循良之最用獎臣勞推恩溯積累之遺載
揚祖澤爾王應春乃原任江西廣信府沿山縣知縣
王治之祖父錫光有慶樹德務滋祠清白之芳聲澤
流再世行弓裘之令緒祐篤一堂茲以覃恩貤贈
爲文林郎江西沿山縣知縣錫之勅命於戲聿修
祖膺茂典而益勵新猷有敷貽孫發幽光而不彰
德

諭祭文

變清

諭祭江西寧州殉難州同李成芳文 康熙二十一年
皇帝差四川遵義軍民府傅天寵諭祭江西南昌府寧
州州同殉難贈爲布政司叅議李成芳之靈曰烈士
成仁齋志而歿忠臣報國捐軀以從爾李成芳矢志
忠貞服官敬慎值逆賊之煽亂勵臣節以彌堅臨難
不屈甘心殞命朕用悼焉特頒祭葬以慰幽魂爾如
有知尙克歆饗

諭祭重慶鎮總兵官韓成文 康熙五十七年

巴縣志

卷十一 諭祭文

六

諭祭原任四川重慶鎮總兵官韓成之靈曰鞠躬
盡瘁臣子之芳踪賜卹報勤國家之盛典爾韓成性
行純良才能稱職方冀遐齡忽聞長逝朕用悼焉特
頒祭葬以慰幽魂於戲寵錫重墟庶沐匪躬之報名
垂信史聿昭不朽之榮爾如有知尙克歆饗

諭祭貴州提督韓勲文 乾隆十年

皇帝遣合州知州秦景曾諭祭原任貴州提督加贈右
都督諡果壯韓勲之靈曰任隆專閫揚節越之嘉猷
禮重易名賁泉壤之渥澤成勞是獎祀典聿頒爾韓

勳風習韜鈴素優智畧衛周廬於紫極劍佩趨跼佐
戎政於黔陽軍麾整肅建牙夷界邊陲之刁斗不驚
總制巖疆保障之干城攸賴方資驅策忽告訕復良
軫朕懷爰申諭祭於戲珣戈鎮靜追偉畧於風雲組
甲光明紀遺徽於竹帛靈其不昧尙克歆承

巴縣志

卷十一

諭祭文

七

疏

漢

請分巴疏

附分巴訟

但望

漢桓帝以并州刺史但望爲巴郡太守勤卹
民隱郡文學掾宕渠趙芬弘農馮尤墊江龔
榮王祈李溫臨江嚴就胡良文愷安漢陳禧
閬中黃昌江州母成陽譽喬就張紹牟存平
直等詣望自訟曰郡境廣遠千里給吏兼將
人從冬往夏還夏單冬複惟踰時之役懷怨

巴縣志

卷十一

疏

八

曠之思其幽喪吉凶不得相見解緩補統下
至薪菜之役無不躬買於市富者財得自供
貧者無以自久是以清儉天枉不聞加以水
陸艱難山有猛禽思迫期會隕身江河投死
虎口咨嗟之難歷世所苦天之感應乃遭明
府欲爲更新兒童元婦歡喜相賀將去遠就
近釋危蒙安縣無數十民無遠邇恩加未生
澤及來世巍巍之功勒於金石乞以文書付
計掾史人鬼同符必獲嘉報芬等幸甚訟上

至深納之

郡戶曹史枳白望曰芬等前後百餘人歷然政府未蒙感悟明府運機布政稽當望極焉民庶請命救惠德合天地澤潤河海開闢以來今遇慈父經曰奕奕梁山惟禹甸之有嶽其道韓侯受命比隆等盛於斯爲美永興二年三月甲午望上疏曰

謹按巴郡圖經境界南北四千東西五千周萬餘里屬縣十四鹽鐵五官各有丞史戶四十六萬四

巴縣志

卷十一 疏

九

千七百八十口百八十七萬五千五百三十五遠縣去郡千二百至千五百里鄉亭去縣或三四百或及千里土界遐遠令尉不能窮詰姦宄時有賊發督郵追案十日乃到賊已遠逃蹤跡絕滅罪逮捕證驗文書詰訊從春至冬不能究訖繩憲未加或遇德令是以賊盜公行姦宄不絕榮等及隴西太守馮舍上谷太守陳弘說往者至有劫闔中令楊殷終津侯美昊烏傷尉蘇鴻彭亭侯孫魯雍亭侯陳已殷侯樂普又有女服賊千有餘人布散于

里不卽發覺謀成乃誅其水陸弁兵復害殺郡掾

枳謝盛塞咸張御魚復令尹尋主簿胡眞若此非一給吏休謁往還數千閉囚須報或有彈劾動便歷年吏坐踰科恐失冬節侵疑先死如當移傳不能待報輒自刑戮或長吏忿怒冤枉弱民欲赴訴郡官每憚還往太守行桑農不到四縣刺史行部不到十縣郡治江州時有溫風遙縣客吏多有疾病地勢剛險皆重屋累居數有火害又不相容結勛水居五百餘家承三江之會夏水漲盛壞葦顛溺死者無數而江州以東濱江山險其人半楚委熊敦重墊江以西土地平敞精敏輕疾上下殊俗情性不同敢欲分爲二郡一治臨江一治安漢各有桑麻丹漆布帛魚池鹽鐵足相供給兩近京師榮等自欲義出財帛造立府寺不費縣官得百姓懷心幸武以來亦分吳蜀諸郡聖德廣被民物滋繁增置郡土釋民之勞誠聖主之盛業也雖食大郡以自優服不忍小民顯隔謹具以聞

巴縣志

卷十一 疏

十

樂

竊惟天下不能保其常治而無亂但使人心之忠義存什一於千伯則能支大厦於將傾何者董惟正氣能興起人心而旌郵之鼓舞更神耳奈何人心至今日若不知忠為何物故自封疆有事以本士無鬪志人懷二心雖身受封疆位極寵榮者不免而以禦亂捐軀求之巖居川觀之士抑又難矣乃有無土而守無兵而戰爲武夫之所不能爲而死文臣之所不肯死如合州鄉官原任安定縣知

巴縣志

卷十一 疏

上

縣董盡倫其人者真世之奇男子烈丈夫也臣等生同里井備聞父老之傳頌且身實受其庇而忍不據實爲我皇上陳之蓋先是逆酋蓄謀突發驟於重慶一時守令望風鼠竄奸宄乘釁蜂起蹂躪郡邑勢如席捲而合固逼處虎吻且素爲賊所垂涎而側目者故渝城一據卽首欲得志於合自府吏蔡璫受遣迫索州印如寄而賊目中無合矣於時盡倫固自入山以來十餘年絕跡塵市者也至此毅然解帶傾貲募族黨率子弟入城從知州翁

登彥之請共圖嬰城固守故給璫詣城隍祠曰吾

當對神與爾印也承璫稽首神前急出袖中鐵鏈立碎頭顱抉兩目而生啖其肉手刃其首懸諸劇衢蓋自是而賊黨膽喪矣日與翁知州謀防禦一切除戎備糗據險集哨密偵用閒以禦外侮而清內奸者算無遺力而鬻產以倡義醪金以廣助衽甲枕戈以率先尤勞怨不避艱危弗辭故一時義士嚮風奸人奪魄賊銳屢挫始終貽合以安且助銅梁而銅之圍解揀安居而安之城復而合以西

巴縣志

卷十一 疏

上

北諸郡邑賴之藩屏翼衛者尤未易更僕數也自是合州威名爲賊所憚賊出悖示有捕獲翁知州董鄉官者許封侯再傳牌於合州安居銅梁定遠牌之及三邑者皆僭號改元獨合州牌不書以有翁董二臣在也繼而巡道臣徐如珂知盡倫滅賊志壯檄州欲盡倫援渝盡倫慨然領本州募兵以往歲除抵江北元旦祭告死事諸臣卽厲聲罵賊誓不與俱生聞其時七著未遑子弟及其僕從皆力諫之不能止身先渡江直薄城下奮臂一呼衆

嚴願多竟齎志以沒矣賊疑且懼掠其僕詰問不
已而其僕亦寧忍死竟不言主死也噫嘻盡倫亦
違何德而致此蓋盡倫生而磊落不羈而進便爲
真循良退便爲真肥遯故初令清水量移別駕尋
拂衣歸繼以關中撫按屬薦蒙皇祖特恩破格徵
召起加貳守銜仍管安定縣復以執法忤幸廉易
拂衣歸歸僻處杜門卽子民之伏謁上司之餽遺
一切謝絕日惟購書沉酣與處士李作梁共期素
述不朽每歲入租時以贍族無私也此其滿腔熱

已縣志

卷十一 疏

十三

血渾身是膽貫顯晦而徹始終對天地而泣鬼神
蓋誠有自來非偶然也故臣等曾不避內舉薦之
於先假令蚤使在封疆定能爲國家効一臂之力
而誰其用之今且無及矣此深山窮谷聞者無不
涕淚酸辛而忠臣義士不扼腕痛悼者豈情哉今
以保城之功則知州翁登彥業蒙皇上以督臣之
請擢居憲職暫酬其勞以死事之義則與文縣張
振德亦蒙尤諸臣之請特予卹廕以旌其忠臣等
竊謂盡倫一身已兼而有之且異乎當官而守土

者廟堂之上定有以厚待盡倫矣兼聞其子董三
知慷慨激烈大有乃父風以一書生辭不共戴天
領盡倫所部兵同食荼藥共寢風露誓不殺賊不
已無何逆義兵叛降賊三日後三知鳴鑼大呼諸
兵故爲責如約狀賊遂疑悉斬降兵首棄於城而
降卒乃不爲賊用蓋忠肝義膽父子一心求之今
日豈非開氣獨鍾一門者乎則優卹之典並及父
子此亦天理人心不容已者臣等得翁知州貽字
備述盡倫之忠而惜天付完節太速云見請入祀

已縣志

卷十一 疏

十四

弁申請卹典又舉其子三知於道拔以僉書督兵
亦知地方公道未嘗泯沒第蜀道萬里又南中見
報不全職難於裏不得不就所備聞縷縷上陳以
聽廷議伏乞勅下該部查照近例將董盡倫優卹
旌卹弁子臨卹以抒孤憤而慰幽魂庶節以奇而
益奮興因陸而益彰將使四海忠義之士聞之而
感感則奮卽全軀保妻子之人亦聞之而婉婉亦
奮奮此四方善類不肖別具肺腑賢者亦各愛重
傾之日若朝廷厚此異數別無激發忠義之衝

而大事垂典抑臣等固是有感焉何曾忠臣
士史不絕書今寧寧也蓋功名富貴之徒賊臣則
抱頭避難賊退則擄臂爭功甚而飾敗爲成捕獲
爲利故武事之不振率由功罪之不明以至於此
如成都之圍久無生理賴撫按諸臣出億萬生
於半載湯火中爲天子保西南半壁此其竭力
忠並列寵褒非常不俟終日而何以守常格知
吳弘業屢出銅梁於阨危詳在南北子民二揭而
新任道臣徐如珂聞難急赴惟恐後時聞其指
兵餉朝夕拮据至廢寢食不覺血枯髮白同知
其杰報陞之日正蜀事洶洶而其杰毅然勇往
兵催餉利害自擔怨勞獨任判官胡平表據熱
溺冒危涉險始終不憚此皆今日難得者他若李
大儒金富廉一素封匹夫自酋亂以來卽傾貲
士裹創更戰以至於今亦錚錚佼佼當於古義俠
中求之矣然亦據所聞者如此其餘未得盡知
或知未真并乞飭行督撫按臣一切查核功罪務

極公極實勿漏勿矜力洗今日套習蓋四海之大
不乏忠義惟在廟廊之上實實加意鼓舞而又重
念西蜀被賊被兵交相戕害士紳小民元氣俱傷
連如臣鄉臺省諸臣顧其仁梁之棟等之言力主
養帑揀急并斟酌一二歲開大蠲額餉以揀此子
遭天下事尙可爲也全在謀國者留意焉
兵部覆巡撫徐可求應卹疏 天啟四年
爲照重慶之難一時文武重臣及道府而下履虎
尾之險矢志疆場犯豕突之鋒委身原野變至慘
矣逆刃所指天地爲昏輿輓而歸山川共咽此忠
臣義士所以望渝城而殞涕也說者謂奢寅父子
何以生心樊龍兄弟何以狂逞變起不測逃將安
之則嘗試論之徐可求等於奢樊非有怨也奢樊
於可求等亦非有恨也非怨非恨而遽殺之此其
故何也徵兵有人諸臣不與局內用兵有人諸臣
亦非禍先彼豈不能高擁牙纛養優憲署以示貴
倨而輒爲僕僕母亦謂遼事決裂舉朝痛憤諠難
袖手情切分憂其急公忠主之心真有天日可鑒

一子以示優異

辨劉時俊冤疏

御史

周宗建

李侯
吳江

國法原無游移之案督臣忽開妄意之條謹據事
剖陳以質公論以昭聖斷事臣惟人情之罪至殊
逆而極國家之法至討叛逆而止故使其人誠實
大逆罪在不赦則誅之惟恐其不嚴伐之惟恐其
不急除君之惡惟力是視亦復何忌何嫌脫使其
人原無大罪而鑿空而談懸虛而坐意所欲重則
重之意所欲輕則輕之將使朝廷之法可上下於

告密者之口而人臣之罪可擒縱於轉換者之心
則其視國法太兒戲而其視天下太無人臣禮矣
若督臣張我績之初逐布政周著也不恤其存之
功而妄加以浮躁之罪舉朝之人無不謂其恣氣
顛倒一時公論業已大明其繼劾原任少卿劉時
俊也始既敘述樊龍訴詞歸之賊人之私忿既又
述其軍中販賣歸之時俊之姑息似已早成一公
案矣乃今日敬剖良心一疏則又忽而坐時俊以
卑污入其二子以通販且又祈皇上以解網而曰
臣之妄意若此臣乃讀而笑曰夫我績奈何以妄
意兩字又欲擅出入人罪也臣請得為皇上一剖
之夫法者緣人之罪而定之者也人之罪則又以
罪之證而定者也今我績謂川人之誣俊者曰賀
奢寅稱千歲曰受其知性也此其所據為卑污者
也臣則謂俊而果賀奢寅也果受其知生帖也果
稱千歲也此即可謂之叛逆不可謂之卑污我績
自當直陳其賀奢寅也誰見之其稱千歲也誰聞
之其持知生帖也誰得之不當混云川人之誣俊

而已者也卽川人有誠俊者亦當直陳其誰姓誰名不當混云川人而已者也乃前後兩疏止陰歸於川人而直以己意斷之曰卑汚曰非大逆則是我續止聽提弄於川人而已全無主張也若曰因無實據而姑以卑汚之微罪坐之聊以此快一二川人之忿則是我續以督臣而代一二川人報睚眦之恨是亦不可謂非卑汚也若曰實會有人見其投賀實會有人聽其稱呼實會有人拾其單刺而我續諱之以混托於川人則是我續又姑縱俊

巴縣志

卷十一 疏

九

而借川人爲脫卸地也此又與於不道之甚者也乃我續又曰訴出賊口未必盡真若爲俊求寬也者夫果實也通逆大惡誅之宜也族之宜也不得以賊口而寬之也夫苟不真也則豈特賊口不真卽其所云賊口者又誰聞之誰見之恐皆不爲真也今監軍道戴君恩之敘述淪城事也曰與樊龍對話者再與張形面誓者二與形之僕初約者又不啻再三其時相訂執款追數致變之因無一不吐使果時俊攜之則乞憐求免之時宜更無先此

一語矣何竟無一字及俊也於筆楮陳之而反於口舌失之於隔城訴之而反於覲面置之於五月之朔追恨之而反於五月朔日之前後遺忘之臣已不能爲解矧有川人者耽耽其旁乃不能面質俊潛通一語使諸臣共聞以爲飛坐陷害之証何也我續不能如此一一詰問使直截痛快明坐俊之罪而乃以未必盡真四字斷之謬附罪疑惟輕之指欲破祖宗之法而從我續之妄意此又何以說也乃我續又曰劉昱劉暹密遣兵船遺孽販賣

巴縣志

卷十一 疏

十

而又拿獲真賊真犯送與某若是劉昱等之罪案早定矣何前疏漏而不載也果明知而故漏之是賣昱等以欺皇上也果昔未知而今知之又安見前此之非初情而今日之非捏造也自當提各兵鞠其遣在何日證佐何人各兵月給口糧之外餘米幾何爲其私賣之賊自火藥已賣之外果餘藥幾何爲其賊賣之證卽其賊賣已盡果見獲賊偵幾何爲其敗露之蹟如是而明證其罪豈不成堂堂督臣彈壓氣象而直以笑而釋之歸之俊若一

聽命於俊而無可如何者不知俊之所釋者有幾人乎抑止所遣誘賊羅現之一子乎抑羅現之子果曾供有劉昱劉暹乎見獲火藥幾何鹽米幾何抑曾獲其贓價幾何已曾收貯在官乎果盡獲也而我續姑隱忍縱之是我續不能爲皇上守法安用有我續爲果一無獲而混混以各道之揭稟懸坐人以重法此又與推卸川人之誡時俊者同入含糊之說又何以爲賊犯之真也乃我續又曰俊室廬已經焚劫也乃以已意歸之士兵無律夫空

巴縣志

卷十一 疏

主

廬焚劫正俊設寬一大証據使未被焚而我續故爲此言以寬俊是又我續私俊而欺皇上也使旣被焚劫而我續乃以已意懸斷爲賊兵之悞及是我續旣以懸斷卑汚者出俊之罪而復以懸斷焚劫者入俊之罪也俊度終不肯舍實據之事受我續懸斷也然臣因是而竊笑俊之禍有自來也彼其快口招尤不悟戈矛之集體喜心任事不知構會之非時方且津津焉道督臣之相知聒聒焉爭耶撫之阻餉勃勃乎有帷幄上人之氣自認平蜀

其掌中事而不料一蹈危機輒成罪府憂時念熱明哲心昏臣謂俊殆淺人也亦癡人也從古淺而見猜癡而得禍如俊者何可勝數獨惜我續雖愚何至徇人而忘己人情雖巧何至匿己而借人料俊之衰年將盡并欲殺兩子以杜好還之天道知通逆之公論共寬遂欲借販賣以快殄滅之陰謀嗟嗟乎不其太甚也哉昔宋夏竦深怨石介作詩貽刺嘗欲報之會狂人孔直溫謀反搜得介書謂詐死因誣富弼遣介陰結契丹起兵以爲內應欲

巴縣志

卷十一 疏

主

發介棺驗之時杜衍呂居簡等力訟其冤介棺始免弼竟得貶安撫使又万俟卨與岳飛有隙因誣與張憲逆書云其書已焚飛坐繫兩月無可誣者大理卿薛仁輔李若樸等並言其誣竟以附會羅織卒罹冤死此兩事千古而下尙爲雪涕時俊卽不敢望古人顧其事之有無應驗頗與相類臣非敢學仁輔之訟飛杜衍等之訟介惟乞皇上乘今監軍道臣戴君恩獻俘之便如臣前所陳說一詰問之更集川人之官於京者一參質之如果前事

一一有証卽重修時俊爲不臣之戒我續當更受
發奸之旌如果一一無証而姑舍其父仍陷其子
以此爲剪草除根一法恐天地鬼神實有所不容
也臣草疏已畢適見有君恩揭報具疏上陳累累
千言業爲時俊剖辯其冤始知君恩賢者當日之
報原無成心今日之辯適存公道獨謂我續自爲
大臣支吾轉換作此昧心之事故敢一直陳以附
於執法秉公之義臣心甚不平臣固無苛求於我
續也惟皇上實裁斷焉

巴縣志

卷十一 疏

三

保蜀援黔疏

戶部侍郎倪斯蕙
巴縣人

爲蜀局將結黔事再壞勢必借蜀援黔究且因黔
應蜀情自切於同室計必籌於萬全敬抒一得以
佐末議以保西南半壁事蓋今中外知邊事之爲
急不知黔事之爲急也知黔事不知黔事卽爲蜀
事也惟借蜀而後可以援黔惟保黔而後可以安
蜀黔一日未得了局蜀一日未得息肩是黔蜀竟
相終始天下安危實繫於此臣蜀人也生長重慶
膏膾之變酷罹其禍三疏叫闕報變善後請餉詳

巴縣志

卷十一 疏

三

具列欸荷蒙聖恩俞允下部議覆多所採擇謂宜
數月之間卽可蕩平不虞淹至四年師益老財益
匱人心益惴惴不安而黔師又報潰矣臣自己酉
得請假養親比今十七年矣辛酉二月蒙恩起補
原官尋值奢酋之變本省按臣題臣蒙難不屈伏
荷聖旨憫臣家難奉部檄催臣上任屬臣父驚悸
成病出城四閱月物故至去冬十月始服闋會黔
中又以敗聞臣在梓里聞見最眞恨不插翼飛入
春明一爲皇上紓此西顧憂行至河南地方偶感
風寒延淇縣醫李尙文調治尙無起色萬一臣疾
未瘳溘焉朝露則臣之一念杞憂藹謀終未得盡
吐於皇上也因不避愚賤敢再披瀝蓋自奢酋煽
亂全蜀震動仰仗皇上威靈督撫按道諸臣相機
戰守設奇制勝亦旣解成都復重慶收四十七郡
縣恢復永寧掃蕩蘭州疊疊獻俘闕廷孳玉壘金
躔之舊還之陛下蜀事儘已了局蜀人從此安枕
謂官承勝席捲一掃機槍乃奢酋尙魚遊於釜底
安賊猶虎峙於荆荆芒部鎮雄諸夷且欲規漁利